



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2022:245071
Datë: 21.03.2024
Numri i dokumentit: 05484368

Ac.nr.8046/2023

GJYKATA E APELIT E KOSOVËS NË PRISHTINË, në kolegjin e përberë nga gjyqtarët: Naime Ahmeti, kryetare e kolegjit, Fatmir Baloku dhe Nora Bllaca Dula, anëtarë të kolegjit, në çështjen juridike jokontestimore sipas propozimit të propozueses Qendra për Punë Sociale - Njësia 3 me seli në Prishtinë, ndaj kundër propozueses L.T., nga Prishtina, për heqjen e të drejtës prindërore, duke vendosur sipas ankesës të propozueses e paraqitur kundër aktvendimit të Gjykatës Themelore në Prishtinë, Departamenti i Përgjithshëm, CN.nr.368/2022, të datës 25.07.2023, në seancën e kolegjit, të mbajtur me datë 21.03.2024, mori këtë:

A K T V E N D I M

Hedhet poshtë si e pa afatshme ankesa e propozueses Qendra për Punë Sociale - Njësia 3 me seli në Prishtinë, e paraqitur kundër aktvendimit të Gjykatës Themelore në Prishtinë, Departamenti i Përgjithshëm, CN.nr.368/2022, i datës 25.07.2023.

A r s y e t i m i

Gjykata e shkallës së parë me aktvendimin e atakuar, ka vendosur si vijon:

“KONSIDEROHET i tërhequr Propozimin i propozueses Qendra Për Punë Sociale në Prishtinë-Njësia 3 me seli në Prishtinë, ndaj kundërpropozueses L.T., nga Prishtina, për heqjen e së drejtës prindërore”.

Kundër këtij aktvendimi propozuesi ka paraqitur ankesë, pa cekur shkaqet e veçanta të ankimit me propozim që kundër propozueses t’i hiqet e drejta prindërore për neglizhim të vazhdueshëm të fëmijut të saj i cili është i strehuar në SOS fshatrat e fëmijëve në Prishtinë.

Gjykata e Apelit e Kosovës si gjykatë e shkallës së dytë, në mbështetje të dispozitës së nenit 194, 208 dhe 209 të Ligjit për Procedurën Kontestimore (LPK), pas vlerësimit të ankesës dhe komplet shkresave të lëndës, ka gjetur se:

- Ankesa e propozueses është e pa afatshme.

Gjykata e Apelit duke vlerësuar lejueshmërinë e ankesës së ushtruar nga propozuesja, e paraqitur kundër aktvendimit të ankimuar të nxjerrë nga gjykata e shkallës së parë, CN.nr.368/2022, i datës 25.07.2023, ka konstatuar se ankesa është paraqitur pas kalimit të afatit kohor të dhënë në këshillën juridike të aktvendimit të atakuar prej 15 ditësh, duke llogaritur nga dita e pranimit në dorëzim të të njëjtit aktvendim nga propozuesi.

Tek një përfundim i tillë kjo gjykatë vjen për faktin se me shikim në fletëkthesën e cila gjendet si dëshmi në shkresat e lëndës konstatohet se propozuesi, aktvendimin e ankimuar e ka pranuar në mënyrë të rregullt me datën 31.07.2023, ndërsa ankesën kundër të njëjtit aktvendim e ka dorëzuar në gjykatë me datë 24.08.2023, që vërtetohet nga vula e pranimit të gjykatës së shkallës së parë.

Afati kohor ligjor për ushtrim të ankesës ka qenë afati prej 15 ditësh, i cili ligjërisht ka filluar të rrjedhë nga dita e nesërme prej kur propozuesi e ka pranuar aktvendimin e ankimuar, që në rastin konkret i bie të ketë filluar nga data 01.08.2023, e ku me shikim në kalendarin mujor – Gusht për vitin 2023, rezulton se dita e fundit për paraqitjen e ankesës – duke marr afatin e dhënë në këshillën juridike ka qenë data 15.08.2023, datë kjo kur edhe ka skaduar afati kohor i dhënë në këshillën juridike prej 15 ditësh. Meqë dita e fundit për paraqitjen e ankesës - pra data 15.08.2023 sipas kalendarit ishte ditë pune, atëherë afati i fundit për paraqitjen e ankesës ka qenë kjo ditë - e martë, ndërsa propozuesja ankesën e ka përpiluar dhe protokoluar me datë 24.08.2023 dhe të njëjtën datë e ka dorëzuar në gjykatë edhe në ditën e protokolimit me numër 1003 dhe nënshkrimin të saj nga propozuesi, e njëjta është jashtë afatit të përcaktuar prej 15 ditëve.

Afatet kohore të përcaktuara me ligj, janë të pandryshueshme dhe nuk mund të zgjaten apo shkurtohen as me vendim të gjykatës e as me marrëveshjen e palëve. Afati ligjor ka karakter prekluziv, sepse veprimi procedural i lidhur për afatin ligjor nuk mund të kryhet pas skadimit të tij.

Gjykata e Apelit në kuptim të rrethanave të paraqitura më lartë gjen se ankesa është e palejueshme pasi që me dispozitën e nenit 186 paragrafi 2 i LPK-së, përcaktohet se: “Ankesa është e pa afatshme po që se është paraqitur pas skadimit të afatit ligjor për paraqitjen e saj”, ndërsa me dispozitën e nenit 196 përcaktohet se :”Ankesën e vonuar, jo të plotë, apo jo të lejueshme e hedhë poshtë gjykata e shkallës së dytë me aktvendim, po që se nuk e ka bërë një gjë të tillë gjykata e shkallës së parë siç është parashikuar në nenin 186 të LPK-së”.

Në shkresat e lëndës nuk ekziston ndonjë provë me të cilën do të konfirmohej se ankesa është dorëzuar në ndonjë datë tjetër, prandaj nga arsyet e mësipërme, Gjykata e Apelit e Kosovës,

vendosi si në dispozitiv të këtij aktvendimi pasi që gjeti se ankesa e propozueses është e paafatshme, të cilën kjo gjykatë e hedhë poshtë në pajtim me nenin 186 paragrafi 2, 196 dhe 209 pika (a) të LPK-së.

GJYKATA E APELIT E KOSOVËS NË PRISHTINË
Ac.nr.8046/2023, me datë 21.03.2024

Kryetare e Kolegjit
Naime Ahmeti, d.v.